



DEN NORSKE KYRKJA

Årsmelding Gulen kyrkjelege råd og fellesråd 2022



Konfirmantane i Gulen og Solund på tur til Utvær april-22.

Innleiing frå kyrkjeverja

Meir himmel på jorda

Den norske kyrkja er ei vedkjennande, open, tenande og misjonerande folkekyrkje, som vitnar i ord og gjerning om frelse, fridom og von i Jesus Kristus. Visjonen for DnK ligg der, med ein utmeisla strategi for åra 2022-2029; *kyrkja opnar rom for tru, kyrkja er der livet vert levd og kyrkja er meir for fleire*. Innanfor denne strategien legg tilsette og frivillege til rette for at kyrkja i Gulen skal vere til stades og møte menneske i ulike livssituasjonar,- *med meir himmel på jorda*.

Det er tid for ei årsberetning for 2022. Eit år då koronaen slapp taket,- men ikkje heilt. Samfunnet opna opp, kvardagen blei normal, og heimekontor blei eit unntak, ikkje normalen. I kyrkjene våre kunne vi invitere til gudstenester og kyrkjelege handlingar utan å bruke meterstokk, halde avstand eller berekne kor mange som fekk lov å sleppe inn, sjølv om januar starta litt trådt også dette året. Etter kvart har vi kome tilbake til normalen. Det er utruleg kjekt både å planlegge og gjennomføre aktivitetar knytt til kyrkja. Konfirmantane kunne møtast og bli betre kjende med kvarandre, julekonsertane kunne gå av stabelen som før og ulike aktivitetar kunne takast oppatt. Særleg gledeleg er det at arbeidet blant barn og unge har starta oppatt, også med nye aktivitetar. Koronapandemien var utfordrande for alle, om enn på litt ulikt vis, men vi er sosiale vesen som treng mellommenneskeleg kontakt. Digitale gudstenester kan aldri bli det same som å møte opp i kyrkja, kjenne nærværet med Gud og menneske og slå av ein prat over ein kaffikopp før ein går heim.

Det er også i år grunn til å takke for godt samarbeid med kommunen, både administrativt og med politisk nivå v/ordførar og varaordførar. Sistnemnde er medlem i Gulen kyrkjeleg fellesråd, og soleis eit viktig bindeledd mellom kyrkja og kommunen.

Råd og utval

Det har vore 6 møter i Gulen kyrkjeleg råd / Gulen kyrkjelege fellesråd, og det er til saman handsama 30 saker. Det er oppnemnt eit AU som består av leiar, nestleiar, prest og kyrkjeverje. AU blir i hovudsak brukt til kontakt via mail, med utveksling av synspunkt og orientering om saker som treng ei rask tilbakemelding.

Administrasjonsutvalet har bestått av tre frå fellesrådet og to frå dei tilsette: Kåre Sigurd Krakhella, Åse Haugen, Mina Andreassen, Margrethe Skåden (permisjon frå 01.04) og Peter Jobbagy. Det har vore 1 møte i 2022 i samband med tilsetjinga av ny medarbeidar i vikariat/prosjektstilling på 50%.

Medlemar og vara i Gulen kyrkjelege råd, GKR, og fellesrådet, GKF 2022:

Sokn	Medlem	Vara
Brekke	Kåre Sigurd Krakhella, leiar	Jan Even Østerbø
	Einar Takle	Herfinn Takle
		Olaug Tveit Evensen
Gulen	Åse Haugen	Elin Systad Lihaug
	Haldis Steine	Eirik Halsnes
		Kjersti Anne Utvær Nordgulen
Mjømna	Anne Kristine Evjenth Ytreøy	Bente Iren Haugen
	Mina Cathrin Dahl Andreassen, nestleiar	Sølvi-Ann Oddekalv
		Arve Mjømen
Geistleg repr	Per Børge Hillestad	

		Bjørn Magne Hansen
Kommunal repr i GKF	Odd Harald Eide	Ingolf Wergeland

Av dei faste, folkevalde medlemmane i rådet er det 33% menn og 67 % kvinner.

Tilsette i Gulen kyrkjelege fellesråd

Tilsette	Stilling	storleik
Ingunn Sognnes	Kyrkjeverje	80 %
Margrethe Skåden	Kontorfullmektig, permisjon frå 01.04	20 %
Kenneth Kidøy	Prosjektmedarbeidar/sekretær frå 20.06	50%
Peter T. Jobbagy	Organist	60 %
Peter T. Jobbagy	Kyrkjelydspedagog	26%
Peter T. Jobbagy	Kyrkjetenar Mjømna	14 %
Astrid Øie Tveit	Kyrkjetenar Gulen	17%
Randi Trædal	Kyrkjetenar Brekke	14%
Aage Olav Sandal	Klokkar	5%

Maren Daae Eide har blitt innleigt i inntil 10% til konfirmantarbeidet slik som tidlegare. I tillegg har Eirik Halsnes, som har vore konfirmantmedarbeidar siste åra, fått utbetalt timeløn for haustsemestert etter avtale.

Av dei samla 2,36 årsverka er det to menn (105 %) og fire kvinner (131 %) fram til 01.04, resten av året 2,66 årsverk med tre menn (155 %) og tre kvinner (111 %).

I tillegg kjem prest i 100% stilling, men GKF er ikkje arbeidsgjevar for presten.

Det har ikkje vore sjukmeldingar utover arbeidsgjevarperioden.

Klokkartenestene i Brekke og Mjømna blir utført av frivillige, medan Aage Sandal er tilsett klokkar i Gulen.

Gudstenester og kyrkjelege seremoniar

Sokn	Antal gudstenester totalt	Tal frammøtte	Snitt pr gudsteneste	Antal konfirmerte	Antal døypte	Vielse	Gravferder
Mjømna	21 (15)	877	41	3 (2)	7 (4)	1 (4)	7 (3)
Gulen	25 (18)	1653	66	17 (9)	6 (10)	1 (1)	16 (18)
Brekke	17 (15)	727	42	5 (7)	4 (5)	2 (1)	4 (8)

Tal for 2021 i parantes, men har ikkje teke med tal for frammøte då dei tala er veldig prega av restriksjonane under korona-pandemien.

I 2022 er det gjennomført 63 gudstenester,8 fleire enn dei forordna 55. Det har vore nokre dåpsgudstenester på lørdagar, og så kunne vi i 2022 gjennomføre tre skulegudstenester og to barnehagegudstenester, pluss ei eldregudsteneste i Gulen. Eldregudstenesta i desember fekk vi inn første gong i 2021, og er eit samarbeid med Gulen sjukeheim for å gje eit tilbod om gudsteneste i kyrkja på dagtid før jul. Det var også ei gudsteneste på Byrknes bu- og omsorgssenter ein søndag i desember.

Brekke ligg lågast på antal gudstenester, der har det ikkje vore gudstenester utover dei forordna, det er forklaringa på det dette året.

Trusopplæring

Når det gjeld trusopplæringa så er det gjennomført hausttakkefest med utdeling av Mi kyrkjebok til 4. og 6.åringar i alle kyrkjene. Det har vore tårnagent-samling i Mjømna og Gulen. Utdeling av cd til 2-åringar har gått ut ila året, då det viser seg at dei fleste heimane ikkje har cd-spelar. Det er blitt gitt 1 årsabonnement av søndagsskulebladet Barnas til 6-åringane i Gulen sokn, men det er gjort vedtak om at frå 2023 vil alle 6-åringane i kommunen få tilsendt bladet. Det er også starta opp søndagsskule i Eivindvik, noko som er svært gledeleg. På Mjømna er det starta barnekor i samarbeid med Byrknes bedehus, der dei har øvingane sine. I Brekke har vi hatt samarbeid med bedehuset i samband med konfirmantopplegget, noko som fungerer svært bra. For å få desse tiltaka til å fungere godt er vi heilt avhengig av at frivillege stiller opp lokalt, enten det er foreldre, besteforeldre eller andre i bygda, i tillegg til tilsette i kyrkja.

Sokna

Kvart sokn har eit sokneutval. Det er ikkje eit formelt organ, men er viktig for å vere nær den einskilde kyrkjelyden og bidra i det kyrkjelege arbeidet, samtidig som ein har kontakt inn mot Gulen kyrkjelege råd (GKR). Sokneutvala har blant anna oppgåver som kyrkjevartar, tek på seg dugnadsarbeid og kjem med innspel til GKR. Det har vore eitt fellesmøte med alle sokneutvala, der tema var vegval før nytt soknerådsval i 2023. Det var godt frammøte, og gode diskusjonar som enda i ei felles tilråding om å halde fram med ordninga slik den er i dag. Det er i haust avhelde soknemøte etter gudstenesta i alle tre sokna, og Gulen kyrkjelege råd fekk full tilslutning til å vidareføre dagens ordning.

Sokneutval	
Brekke	Kåre Sigurd Krakhella, leiar, Olaug Tveit Evensen, nestleiar, Einar Takle, Jan Even Østerbø, Herfinn Takle, Synnøve Bjordal Giil, Marit Sætre, Berit Tveit Solheim, Grethe Brekken Oppedal
Gulen	Åse Haugen, leiar, Haldis Steine, Elin Systad Lihaug, Eirik Halsnes, Kjersti Anne Utvær Nordgulen, Judith Avril Adams
Mjømna	Bente Iren Haugen, leiar, Anne Evjenth Ytreøy, Mina Dahl Andreassen, Sølvi-Ann Oddekav, Arve Mjømen, Erene Oddrun Wilberg, Heidi Rosseland* Gunnlaug Oddny Birknes.

**Overgang til Gulen sokneutval*

Brekke sokneutval v/ Kåre Sigurd Krakhella

I 2022 blei det endeleg slutt på smitterestriksjonane og vi fekk eit normalt år. Sokneutvalet kom igang igjen med kyrkjekaffi etter gudstenestene.

Vi gjennomførte dugnad rundt kyrkja i byrjinga av mai i lag med Bygdekvinnelaget.

I samband med nytt gjerde på nedre gravplass tok vi også på oss å fjerne det eksisterande gjerdet og trea i nedre hjørne på gravplassen. Skråningen ned mot hovudvegen rydda vi samtidig. Dette blei gjort på haustparten.

I 2022 fekk vi endeleg lov å ta opp igjen tradisjonen med juleverkstad. Det er eit populært arrangement, og vel 30 born fekk kose seg med å lage julegåver i dei forskjellige formingsromma, i tillegg til baking av pepparkaker på skulekjøkenet.

Sokneutvalet gav også i år ein blome til dei som har mista ein av sine i året som gjekk. Vi har også støtta aktivitet på Bedehuset med kr 7500. Brekke sokneutval har hatt tre møte og handsama 14 saker. I tillegg har vi hatt ein del kontakt på epost og telefon. Vi deltok også på eit fellesmøte med dei andre sokneutvala på Dalsøyra for å gjennomgå erfaringane med felles sokneråd.

Når det gjeld ombygging av kyrkja, har vi etter fleire diskusjonar og med tanke på den store dugnadsinnsatsen som ligg i prosjektet, komme fram til at dette er altfor stort til at vi vil ta det på oss. Det har heller ikkje lukkast oss å finne nokon som vil ta på seg ansvaret som dugnadsleiar. Vi ser heller for oss at ein går tilbake til den opprinnelege problemstillinga med vonde benker og vurderer på nytt om nokre av dei kan forbetrast f.eks. med faste puter. Friviljug klokkearteneste: Bjarne Tveit, Bodil Bjørlo Takle, Kristin Kjelby, Ragnar Mundal, Olaug T Evensen.

Gulen sokneutval v/ Åse Haugen

2022 vart endeleg eit år utan restriksjoner, så me kunne opne sumarkyrkja. Kyrkja var open kvar dag i heile juli. Stor TAKK til Ingebjørg, Sigvald, Marit og Åse som «passa» på kyrkja.

- Me har hatt 5 utvalsmøter, med gode samtalar og diskusjonar.
- Felles sokneutvalsmøte med dei 2 andre utvala, der saka om vegval til neste soknerådsvall i 2023 vart diskutert. Etter eigne soknemøte i kvart sokn, vart det sendt søknad om permanent ordning med eit felles sokneråd i kommunen. Januar 2023 kom endeleg svaret frå Bjørgvin Bispedømeråd, og vårt ynskje og mål vart innvilga.
- Sokneutvalet stillte med kveldsmat på kommunehuset til 15 pers. i samband med nøkkelstadsamling for kystpilegrimsleia. Dette var eit samarbeid med Gulatinget, der konserten *Kongsrosen* blei framført i kyrkja.
- Dugnad inne i kyrkja, med rydding og vask
- Hausttakkefest og utdeling av bøker til 4- og 6- åringar gjekk av stabelen med pomp og prakt. Då lever det i kyrkja!
- Kyrkjekaffi er eit høgdepunkt for gode samtalar og sosialt samvær, dette er så viktig og så gøy.
- På tampen av året fekk me endeleg husvære til Sundagskulen vår. Stor TAKK til Nina Haveland (einingsleiar på sjukeheimen) som heiv seg rundt og gav oss husrom! Ein søndag i månaden er me på stova i 3 etg. på sjukeheimen, og har hatt eit godt oppmøte av små og store. Dette er eit heilt gratis tilbod for born frå 3-4 år og oppover.

Mjømna sokneutval v/Bente Haugen

Diverse aktivitetar i Mjømna sokn. Alt dette har stort sett skjedd på dugnad frå frivillige.

- Månadlege eldretreff på Byrknes Bu- og omsorgssenter
- Haustfest i Byrknes bedehus med mat, musikk, talar og quiz.

Kyrkje og kyrkjegard:

Det har vore ein del dugnadsarbeid, men det har vore vanskeleg å få folk til å stille opp på slikt. Dermed har det vore nokre få sjeler frå sokneutvalet som stort sett har stått føre det arbeidet som faktisk har vore gjort.

- Dugnad med diverse vasking og rydding, særleg i samband med høgtider som konfirmasjon og jul.
- Dugnad med klipping av busker og rydding på kyrkjegarden

- Strøing/ fjerning av snø og is før gudstenester og elles ved tilfeldige besøk på kyrkjegarden
- Pynting av juletreet i kyrkja

I samband med gudstenestene:

- Kyrkjekaffi
- Klokkarteneste

Anna:

- Markering av 8. mai på minnestøtta for Bjørn West.
- Utdeling av olivenkors til konfirmantane
- Vi har fått ei barnesanggruppe på Bedehuset annan kvar tirsdag, etter initiativ og innsats frå to frivillige.
- Vi har hatt sporadiske kjøkkenmøte.
- Arbeidet med den nye rullestolinngangen er påbegynt, og vi håper å ha offisiell opning av han i 2023.

Kyrkjelydsarbeidet v/sokneprest Per Børge Hillestad

Som kirke har vi et grunnleggende kall til å være Kristi hender og føtter. Det å vise medfølelse, omsorg og kjærlighet i praktisk gjerning er en selvfølgelig del av våre aktiviteter. Den kristne troen er sentrert rundt personen Jesus Kristus. Vi tror at han er Guds sønn og verdens frelser. Vi tror at han kom inn i vår verden, ble menneske slik som oss og tok del i vår virkelighet for å vise oss hvordan Gud egentlig er. 2022 gav kirken i Gulen mange gode møte - og kontaktpunkter. I denne sammenheng vil jeg legge spesielt vekt på dåpen og konfirmantarbeidet.

Dåp

Som de fleste andre kirker tilbydde også Gulen mer aktivt enn vanlig egne dåpsgudstjenester i 2022, som vi gjorde i 2021. Tilbudet har aktivt blitt benyttet, og tilbakemeldinger tyder på at mange er takknemlige for denne muligheten. Dåpen står sterkt i folks bevissthet, og dåpsgudstjenestene opplevdes som høytidelige, samtidig som de hadde en større grad av involvering i forhold til ved vanlig høymesse.

Konfirmantene

Vi inviterte konfirmantene til en flott konfirmantleir i Hyllestad. Her ble gode relasjoner bygget på tvers av bygder, og Jesus ble tydelig og godt forkynt. Tilbakemeldinger tyder på at konfirmantene trivdes på denne leiren. I år gjorde vi den obligatorisk i motsetning til tidligere da den har vært frivillig. Den arrangeres av soknerådet/kirken i Hyllestad, og de samarbeider



med misjonskirken på Askøy.

Både på Byrknes og i Brekke stilte sokneutvalgene flott opp med tilrettelegging og de nydeligste retter til pizza og kino kveld. Dette setter vi utrolig stor pris på, og er noe som gir både ledere og ungdommer muligheten til å bygge nye vennskap. Slike pizza- og kinokvelder hadde vi også i Eivindvik og på Dalsøyra. Vi er utrolig takknemlig for Eivindvik ungdomslag som gav oss ungdomshuset til fri disposisjon, og det samme med Dalsøyra samfunnshus. Folk og lag og kommunen i Gulen er virkelig rause overfor kirken sin, og det er vi takknemlige for.

De vanlige konfirmasjonssamlingene foregår fremdeles på Dalsøyra, og vi er heldige som har med oss Maren Daae Eide og Eirik Halsnes i konfirmantteamet. Både Maren og Eirik er dyktige ledere og gode til å se konfirmantene. Sammen har vi ulike styrker og vi utfyller hverandre godt.

I et samarbeid med kirken i Solund kirke, og prest Bjørn Magne Hansen, arrangerte vi også en flott dag til Utvær i Solund. I nydelig vær fikk vi oppleve vestlandskysten på sitt beste. Bjørn Magne sørget også for god undervisning og guiding, både i båt og på land. Et høydepunkt i årets arbeid.

Vår viktigste oppgave som kirke i Gulen er å gi mennesker muligheten til å bli kjent med Jesus. Vi har et budskap om forsoning mellom Gud og mennesker, og et ønske om forsoning og nestekjærlighet mellom mennesker. Kort sagt har vi verdens beste nyheter, fra verdens beste oppdragsgiver. Å få være endel av kirken i Gulen er et privilegium. Takk til sokneutvalg og frivillige for at dere gjør kirken relevant og så kjekk å være endel av.

Fellessamlingar og møter gjennom året

Dette året har det vore mogeleg å gjennomføre fellestiltak både for tilsette og folkevalde, noko som gir inspirasjon til arbeidet vi står saman om.

- Temadag med prost Helge Taranrød 20.02 i Brekke kyrkje. Denne samlinga var lagt i etterkant av gudstenesta, og både stab og råd/sokneutvala var inviterte. Tema som blei drøfta var frivilleg arbeid i kyrkjelydane, samarbeid mellom stab og frivillege og vegen vidare for modellen med eit felles sokneråd for dei tre sokna.
- Kyrkjevevja deltok på leiarkonferansen for kyrkjevevjer i mars. Første dag var felles med fellesrådsleiarane, og Kåre Krakhella deltok som leiar i Gulen kyrkjelege råd.
- Fellessamling for Gulen kyrkjelege råd og sokneutvala på Dalsøyra for å evaluere og drøfte vegen vidare med eitt felles sokneråd.
- Felles sommaravslutning i Nordhordaland prosti på Fjon fjellkyrkje 16.06 for alle tilsette.
- Kyrkjevegjelaget i NH prosti møtast fysisk eller på teams for å ta opp aktuelle saker. Prosten deltok på dei fleste av desse samlingane. Ei sak som stod høgt på dagsorden var fornying av samarbeidsavtalen for prestetenesta mellom Gulen, Masfjorden og Solund, der alle kommunane og fellesråda gav si tilslutning. For Gulen inneber det at kommunen bidreg med kr 90.000 og Gulen kyrkjelege fellesråd med 50.000 pr år. Avtalen inneber at det er tre prestestillingar i dette området, og erfaringa er at avtalen sikrar ei stabil og god presteteneste i området. Inneverande avtale går ut hausten 2023, og er forlenga med fire år.
- Stiftsmøtet blei helde i Bergen 8. og 9. juni. Soknepresten, kyrkjevevja og organisten deltok.

- Bibeltimesamlingar på Brekke bedehus på vårparten med sokneprest Per Børge Hillestad blei godt mottekne.
- Kyrkjevevja og leiar i fellesrådet har hatt møte med ordførar og kommunedirektør i samband med budsjettarbeidet og økonomiplanen
- Leiar i fellesrådet har delteke på samhandlingsmøte for valde leiarar i Bjørgvin på Skei i sept
- Avslutningssamling med biskop Halvor Nordhaug 25.10: For tilsette tilhøyrande innanfor Nordhordaland prosti på Fjon fjellkyrkje på dagtid, og for sokneråd og frivillege i Knarvik kyrkje på kvelden.

Felles sokneråd for sokna Gulen, Brekke og Mjømna sokn

I valperioden etter sist val i 2019 har det vore eitt felles sokneråd, Gulen kyrkjelege råd (GKR) for dei tre sokna, med sokneutval lokalt. Ordninga var ei prøveordning, som sokneutvala har vore med og evaluert. Det blei gitt full støtte til å søkje om at denne ordninga kunne gjerast permanent, noko det no er høve å søkje om etter § 2 i *Regler om ordning for felles menighetsråd* vedteke i Kirkemøtet i september 2022.

GKR søkte Bjørgvin bispedømmeråd om godkjenning av ordninga med felles sokneråd som permanent etter å hatt saka til høyring på soknemøte i alle tre sokna, der det blei gitt full tilslutning til framlegget frå GKR. Valordninga blir som i dag, med 2 medlemar og 3 varamedlemar frå kvart sokn i GKR, samt geistleg representant. Gulen kyrkjelege fellesråd har same samansetjing, supplert med ein kommunal representant. Ordninga med lokale sokneutval vert vidareført. Søknaden blei innvilga i januar 2023.




Bilete frå møte i Gulen kyrkjelege råd

Tur til Selje, regionalt pilegrimssenter og nøkkelstad



8 personar frå stab og sokneråd deltok på turen til Selje 9.-11. 09. Målet var å få betre kunnskap om nøkkelstaden Selje og rolla som regionalt pilegrimssenter, samt bygge meir kunnskap rundt kystpilegrimsleia der Eivindvik også er nøkkelstad (Gulatinget). God mottaking med godt vertskap og gjestfriheit gjorde opphaldet til ei stor oppleving, og vi fekk disponere den gamle prestegarden til opphaldsplass og frukostsamling heile helga, medan vi overnatta på Selje camping då det ikkje var høve til

det i prestegarden. Tur til klosteret på Selja, besøk i Leikanger kyrkje, Ervik kyrkje og orienteringar frå lokale kyrkjevertar med god kunnskap gjorde inntrykk. Vi avslutta søndag med gudsteneste i Selje kyrkje, der Kari Leine Balog gjorde teneste som prest. Ho kunne etter gudstenesta fortelje om sitt engasjement og vandringar langs kystpilegrimsleia, til stor inspirasjon for oss. Turen var lærerik, kunnskapsbyggande og ikkje minst fellesskapsbyggande, kjekk og inspirerande, og gav ein god start på haustsemesteret.



Sunniva hola



Gamle prestegarden i Selje

Kyrkjer og kyrkjegardar

Brekke:

Sokneutvalet har lagt prosjektet med ombygging av kyrkja på is, då dei ikkje ser seg syn med å setje i gang eit så stort prosjekt som vil krevje stor innsats av frivillege på mange områder. Når det gjeld sittekomfort ynskjer dei å sjå på om dagens benker kan forbeholdast, i staden for å fjerne dei. Dette løyser ikkje problema med oppvarming i kyrkja og isolering under golvet, særleg i koret, men slik saka ligg må ein drøfte det på nytt. Det er elles ikkje gjort bygningsmessige tiltak på kyrkja i 2022.

Brekke gravplass:

Det er kome på plass nytt gjerde oppå muren på gravplassen oppe ved kyrkja, det var heilt naudsynt for å ivareta tryggleiken til dei som slår og steller gravplassen om sommaren. På nedre gravplass er det gjort ein stor dugnadsinnsats for å få vekk busker og kratt og skjere ned dei store rhododendronane langs gjerdet. Det gamle tregjerdet er fjerna, då det viste seg at det var rote og dårleg mange stader. No er nytt gjerde på plass også der, med smijernsport som er lik den som står ved inngangen til kyrkja.



Nytt gjerde mot gravplass



Før dugnad

Gulen:

Det har blitt installert varmestyring i kyrkja som eit tiltak for å få betre kontroll med oppvarminga. Fem gamle panelomnar er blitt skifta ut. Problemet med å halde varme



i kyrkja på kalde og vindfulle dagar er ikkje løyst, og det er vedteke å setje i gang eit ENØK-prosjekt i 2023 for å sjå på korleis det kan løysast.

Det har blitt sett i verk drenering rundt kyrkja, særleg på baksida samla det seg mykje vatn som ikkje hadde utløp.

Dette viser opp på muren, og

kledningen er prega av det. Jord er fjerna, det er lagt ned dreneringsrøyr og fylt på singel. I tillegg er nedløpa for takrennene fornya og spylte, slik at dei tek unna vatnet som kjem ned.



Gulen gravplass:

Etter opparbeidinga av parkeringsplassen er det plassert fire bossdunkar ved enden, medan det framleis er fire ved overbygget inne på gravplassen. Dunkane er merkte med bio og restavfall. Mesteparten av avfallet frå gravstell skal i rest-avfallet, då det berre er reint biologisk materiale som skal i bio-dunkane. Med mykje regn samlar det seg vatn i alle dumper på gravplassen, og rett før jul blei det sett i verk tiltak for å leie vatnet på rett veg og ned i eksisterande kummar.



Rutle gravplass:

Planen for opprusting av gravplassen står ved lag, men gjennomføringa har av ulike grunnar drege ut i tid. Parkeringsplass er opparbeida, og det er sett opp skilt som viser at den er for besøkjande til gravplassen. Bossdunken er merkt, og er komen inn i hente-rutinane til NGIR. Oppryddinga av felte tre og buskar er berre halvvegs ferdig. Etter hogsten ser ein at kanten på gravplassen er svært ujamn, og det er meininga å fylle på masse og få meir jamn høgde mot utmarka. Deretter skal gjerdet opp, og det vil bli bli montert dobbel port inn mot klokke-støpulen. Det er avdekka



noko råte nedst langs støpulen, det skal også vølast. Dørene har fått lås, slik at uvedkomande ikkje kjem seg inn i klokketårnet.



Mjømna:

Det er installert varmestyring i kyrkja for å ha betre kontroll med straumforbruket, og hindre at varmen står på unødig.

Arbeidet med ny rullestolrampe, utbetring av hovudtrapp og tilkomstvegar har teke tid, og etter ein god prosess blei planteikningane godkjende både av Bjørgvin bispedømme og Gulen kommune. Kontrakt er inngått med entreprenør, og arbeidet blei sett i gang i haust, og vil bli ferdigstilt våren 2023. Finansieringa er delt mellom auka investeringstilskot frå kommunen og bruk av fond og ubrukte lånemidlar tilhøyrande Gulen kyrkjelege fellesråd.



Mjømna gravplass:

Resterande oppussing av bårhuset/toaletta er ferdig, og sjøve bårerommet har fått nytt golvbelegg. Det har vore synfaring for å sjå på le-plantinga på langsida av kyrkja, trea er etter kvart blitt høge, og det må gjerast tiltak så dei ikkje kjem borti kyrkja.



Arbeid med ny rullestolinngang

Tilsyn i kyrkjene: Det har blitt utført Brann-tilsyn i alle tre kyrkjene. Kyrkjene har brannvarslings-system som går rett til 110-sentralen. Det har vore utløyst brannalarm i forkant av ei gudsteneste i Gulen kyrkje i sommar, varmtvannstanken som var årsaka var gammal og er no utkopla. Innimellom dukkar det opp ein del feilmeldingar. Dei vert sjekka og kvitterte ut.

BORGSTOVA:

Kommunen har løyvt midlar for å setje Borgstova i stand, og søknaden om vøling er godkjent. Arbeidet kjem ikkje i gong før i 2023.

Økonomi

Det vert ført felles rekneskap for Gulen kyrkjelege råd og fellesrådet. Ofringar og gåver gitt i dei ulike kyrkjesokna blir ført under tenesta anna kyrkjeleg verksemd, og det kjem fram kor mykje som er samla inn, kor mykje som går til eige arbeid eller som blir vidaresendt til organisasjonane som er tildelt kyrkjeoffera. I år kunne konfirmantane gå på dørene med innsamlingsbøssene til Kirkens Nødhjelp sin Faste-aksjon, noko som gav eit svært godt

resultat. I Gulen sokn kom det inn kr 17015,- i Brekke 7435,- og i Mjømna 5711,-. I tillegg kom det inn kr 19.032,- på Vipps, til saman eit svært godt resultat på kr 49.243,-.

Korona-midlane som stod att frå 2021 er blitt brukte til aktivitar som konsert og andre lokale tiltak som ikkje let seg gjennomføre i pandemien.

Rekneskapen for Gulen kyrkjelege fellesråd er ført på rekneskapsavdelinga i kommunen gjennom tenestekjøpsavtalen. Det er gitt driftstilskot frå kommunen på kr 2.522.200. I tillegg kjem verdien av tenesteytingsavtalen.

Tenestekjøpsavtalen med kommunen inneheld avtale om rekneskapstenester, IKT-tenester, kontorlokale og tenester frå drift/vedlikehaldsavdelinga. Endeleg kostnad for denne tenesta utgjorde i 2022 kr 646.549,- men den har ikkje resultatmessig effekt.

Den store auken på kostnadssida ligg på straum. Når ein ser på straumkostnaden til kyrkjer og bårerom (ført på teneste gravplass) er den omtrent dobla i høve til både budsjett og fjoråret, og er for 2022 på kr 197.444. Søknaden til kommunen om auka tilskot til straum på kr 100.000 blei innvilga og ligg inne i driftstilskotet frå kommunen. I tillegg fekk vi kr 30.000 i straumstøtte frå regjeringa i desember.

Det var budsjettert høgare på løn enn det som er brukt, rekneskapen viser ca 100.000 lågare forbruk under administrative tenester, der budsjettet blei justert opp for å dekke prosjektstillinga på 50% frå 01.04. Stillinga blei ikkje dekkja opp før i slutten av juni. Det er også brukt mindre lønsmidlar enn budsjettert under tenesta kyrkjer.

Kyrkjelydsbladet har kome ut med fire nr, og det blei som tidlegare lagt inn giro i haustutgåva. Gåveinngangen har vore god, og det kom inn kr 68.800,- i gåver til drift av bladet. Mesteparten av arbeidet blir pr i dag gjort på dugnad, både med oppsett av bladet og med fordeling rundt i postkassane. Overskotet på kr 22.342,45 vert sett av på fond, noko som kan kome godt med den dagen ein må legge om både produksjon og distribusjon.

Driftsrekneskapen er oppgjort med eit overskot på kr 285.726,63.

Ivesteringsrekneskapen viser at det er eit rekneskapsmessig mindreforbruk på kr 458.654,30. Desse midlane skulle vore brukt på vøling av Borgstova, men gjennomføring av prosjektet er utsett til 2023.

Ombygginga av Brekke kyrkje er lagt på is, og dei 50.000 som blei sett opp i budsjettet er ikkje brukt. Når det gjeld prosjektet med gjerde på øvre og nedre gravplass i Brekke så er det ferdig, og kostnaden er ca 100.000 over opprinneleg budsjett. GKF gjorde vedtak om finansiering av gjerde og ny port også på nedre gravplass, då det viste seg at eksisterande gjerde var rote og dårleg. Ny rullestolinngang på Mjømna fekk auka investeringstilskot frå kommunen på kr 200.000 etter søknad frå GKF. Dette prosjektet er ikkje ferdig, men vil bli ferdigstilt våren 2023.

Totalt tilskot frå kommunen til investering i 2022 var på 1000.000, fordelt på kr 500.000 til Borgstova, 150.000 til nytt gjerde på Brekke gravplass, 200.000 til rullestolinngang Mjømna og det årlege tilskotet på 150.000.

Eivindvik 22.02.2023

Kåre Sigurd Krakhella

Leiar GKR / GKF

Ingunn Sognnes

Kyrkjeverje